

11. april 2012

Matumuuna Inatsisartut suleriaasianni § 37 imm. 1 naapertorlugu Naalackersuisunut apeqquteqaateqarpunga makkuninnga.

1. **Aalisartut qaleralinnik aqutsiveqarfinni taama tukatsigisumik sullinneqarnerat sumik tunngaveqarpa?**
2. **Ukiumoortumik pisassinneqartut tupinnaanartumik tons-inik ikittuarannguaanarnik pisassinneqarnerat sumik tunngaveqarpa?**
3. **Aqutsiveqarfiit ilaanni umiatsiaararsortunut “paggatassatut” tunniunneqartut ukioq imaaliinartoq nungulluinnarput, taamma nunguaartigissappata umiatsiaararsortut ukiup sinneranut Naalackersuisunit qanoq aqqiiviginiarneqassapat?**

(Finn Karlsen, Siumut)

Tunngavilersuut:

Ilisimavarput qaleralinnik tunisisinnaanermut akuersissutit kinguartinneqarnikuusut 31.marts 2012-imut kisiannili april 2012 nallerpoq aalisartorpassuit qaleralinnik tunisisinnaanerminnut allagartassaminnik utaqqillutik.

Tamatuma saniatigut aalisartut 6 meter qaangerlugit angallatillit ukiumut pisassinneqarnissartik ilaasa paasiortorpaat qaammatip marts 2012 naanerani, ilaallu aamma piffissarititaasoq qaangiutereeraluortoq ukiumut pisassinneqarnertik tusarnagu.

Tusarsimasut amerlasuut pisassinneqarnertik assut pakatsissutigaat ukiumut aalisartutut ingerlaniarnerminni akilersinnaangilluinnartumik pisassinneqarsimanertik tunngavigalugu.